

景明刻本紀錄彙編

五四

紀錄彙編卷之一百五十四

鳳洲雜編一

王世貞

鳳陽

國初欲都之不就今為中都留守司城周三十里門
九正南曰洪武南之左曰南左甲第右曰前右甲第
北之東曰北左甲第西曰後右甲第正東曰獨山東
之左曰長春右曰朝陽正西曰塗山

南京

京城周四十六里門十三南曰正陽南之西曰通濟

又西曰聚寶西南曰三山曰石城北曰太平北之西
曰神策曰金川曰鍾阜東曰朝陽西曰清涼西之北
曰定淮曰儀鳳後鍾儀二門塞外城周百八十里門
十六曰麒麟曰仙鶴曰姚坊曰高橋曰滄波曰雙橋
曰夾岡曰上方曰鳳臺曰大馴象曰大安德曰小安
德曰江東曰佛寧曰上元曰觀音

北京

京城四十里凡九門正南曰正陽南之左曰崇文右
曰宣武北之東曰安定西曰德勝東之南曰朝陽北
曰東直西之南曰阜成北曰西直

偶於戶部覆疏見近來邊費之詳錄於此

查邊錢糧原額二項民糧出自各省起運屯糧出自
衛軍國初三分守城七分屯種歲入之後利尤無窮
至如馬芻亦止給採青收放所以其時隨在各足邊
糧常勾防秋數支用直至正德末年通計各邊年例
猶止銀四十三萬內宣府十萬兩大同五萬兩遼東
十五萬兩延綏三萬兩寧夏四萬兩甘肅六萬兩今
本部歲派山西等布政司直隸河間等府起運宣府
糧料五十四萬七千五百二十五石布一十八萬九
千六百一十八疋綿花絨三萬七千五百斤馬草七

十萬束大同糧料三十八萬七千四百七十五石布
一十八萬三千五百疋綿花絨八萬斤馬草二百四
十四萬八千五百五十束二分八釐山西寧武關糧
料九萬七千石馬草一百一十萬束遼東麥米折布
三十二萬石綿花絨鈔一百九十三萬二千三百四
十五斤錠馬草二十二萬三千五百六十三束銀一
萬七千三百九十七兩四錢二分一釐固原糧料二
十二萬五千四百四十九石九斗馬草二十八萬三
千二百三十六束延綏糧料三十二萬一千二百八
十五石九斗九升馬草五十五萬二千八十六束布

四萬疋寧夏糧料一十四萬三千八百五石四斗馬
草一十六萬一千二百四十束甘肅糧料二十一萬
七千八百八十一石四斗薊州糧料三萬五千一百
八十八石麥折布一萬二千二百七十一疋馬草一
百萬束昌平糧料布花准米麥一十三萬一千五百
七十五石二斗馬草八十五萬六千一百束密雲糧
料一十三萬八千六百二十石易州糧料三十一萬
六千三百八十八石綿花布五萬一千六百八十八
疋綿花絨二萬四千九百七十斤八兩馬草一十一
萬七百束屯田原額宣府屯軍八千六百七名屯地

四千三百三頃五十畝各色子粒二十五萬四千三百四十四石三斗一升大同屯軍一萬六千七百名屯地一萬五千八百三十頃各色子粒五十一萬三千九百四石五斗五升山西屯軍九千四百九十名屯地六千一百一十二頃一十畝各色子粒二十五萬七千七百四十六石五斗五升遼東屯軍四萬五千四百五名屯地二萬五千三百七十八頃二十八畝額糧七十一萬六千一百七十石以後歲徵四十五萬四千石固原延綏二鎮屯軍舍人二萬六千七百三十八石屯地二萬六千一百一十八頃二十一

畝各色子粒三十六萬伍千一百四十二石五斗四升
六合寧夏屯軍一萬一千一名屯地五千五百二十
七頃九十二畝五分各色子粒三十二萬二千七百
二十二石二斗七升九合四勺甘肅屯軍二萬三千
三百八十三名屯地一萬一千六百九十一頃五十
畝各色子粒陸十萬三千一百八十八石四斗二升
五合薊州屯軍五千八百七十五名屯地二千八百
二十八頃五十一畝細糧六萬八千五百六十七石
五斗九升拾數年並無一處通關奏繳而宣大延綏
屯廢尤甚嘉靖二十八年一年延綏一鎮發銀至二

十九萬一千四百七十七兩加以宣府銀八萬兩大同二十二萬四千二百五十三兩山西廣武等站一十六萬八千九百九十四兩遼東十五萬兩薊州三萬兩固原五萬八千八百二十兩寧夏四萬兩甘肅六萬兩謂之年例宣府一十一萬五千六百四十四兩大同五萬四千五百兩山西五萬八千七百四十三兩遼東四萬一千一百五十四兩固原三萬兩寧夏八萬七千九百九十九兩甘肅一十萬二千一百五十一兩謂之補不敷大同陸萬三千二百六十九兩遼東三萬二千二百兩甘肅二萬兩謂之募兵糧宣

府四萬大同七萬兩謂之預備宣大三十四萬四千
五百八十四兩大同二十六萬兩山西七萬兩密雲
易州昌平十八萬四千兩寧夏二萬兩謂之防秋宣
大四十萬八千四十六兩謂之修邊京營宣大等處
七萬二千五百二十一兩謂之賞賜

會典載番貨價值偶附記於此

胡椒每斤鈔三貫丁香每斤一貫葦茛每斤二貫速
香每斤二貫木香每斤三貫乳香每斤伍貫蘇木每
斤五百文黃蠟每斤五百文油紅布每段一貫五百
文青布每段一貫五百文玳瑁盒每箇一貫玳瑁盃

每箇一貫藤竭表裏每斤一貫沒藥每斤五貫金銀
香每斤五百文大楓子每斤一百文錫每斤五百文
苾布每疋一十五貫肉荳蔻每斤五百文古刺水內
大合一貫小合五百文荳蔻花每斤五百文腰刀每
把三貫鐵每斤三百文花布每段一貫大花手巾每
條二貫小花手巾每條一貫一應各樣粗布每段一
貫沉香每斤三貫黃熟香每斤一貫華澄茄每斤一
貫翠毛每斤三百文烏爹泥每斤五百文紅紋節知
被每條五貫鹽每斤一百文梔子花每斤一貫丁皮
每斤五百文悶蟲藥每斤二百文象牙每斤五百文

花氈單每條一十貫撒哈喇每疋一百貫珊瑚枝每
斤三十貫血竭每斤一十五貫龍涎香每兩三貫蘇
合油每斤三貫大玻璃鏡每箇三貫小玻璃鏡每箇
二貫大小玻璃碗各同玻璃燈甌一箇二貫鶴頂每
箇二貫赤金每兩伍十貫足色銀每兩十五貫降真
香每斤五百文妥剔牙每斤一貫膽礬每斤二貫回
回石青每斤一貫珊瑚珠每兩二貫烏木每斤五百
文安息香每斤五百文紫檀每斤五百文木鱉子每
斤三百文雄黃每斤五百文阿魏每斤二貫兜羅被
每段十五貫絲手巾每條二貫粟米珠每兩伍貫油

血石每兩二貫番砂每斤二百文夕牙吸答納每斤
五百文八的阿納每斤四百文三額阿刺必每斤五
百文別模刺每斤五百文厥枯露每斤三百文加定
每斤五百文哈都味思每斤五百文阿思達模塗兒
氣每斤五百文暗花打布每段一貫沙連布每段一
貫查青禮布每段一貫加籠宜布每段一貫烏連布
每段一貫勿那朱布每段一貫蘇麻達每斤二百文
番弓每張二貫番箭每枝一百文

南京守備協同叅贊坐次

正統中襄城伯李隆正中坐戶部黃少保福左側坐

公退左右對坐少保卒兵部徐侍郎左側坐襄城去
豐城侯李賢代徐侍郎陞尚書仍左側坐都督趙倫
協同地平下左側坐後革靖遠伯王驥代徐尚書爲
總督與豐城分左右正坐靖遠左寧遠伯任禮代豐
城仍在右靖遠伯還朝徐尚書復來杜侍郎寧始推
尚書與寧遠分左右正坐張右都純監督操軍不預
守備事下教場與徐尚書分左右正坐張都御史在
左趙都督仍舊坐戶部張尚書鳳來右邊稍偏正坐
戶部沒張都御史陞兵部尚書叅贊右邊正坐寧遠
告老平江伯陳豫代與張尚書仍分左右坐平江去

張尚書致仕魏國公徐顯宗代平江獨正中坐鎮遠
侯顧協同右邊稍偏正坐兵部蕭尚書維禎叅贊鎮
遠坐左魏國鎮遠俱沒蕭尚書獨右偏正坐成國公
朱儀代魏國如魏國坐兵部李尚書賓來如蕭坐馬
都督良協同地平上右側坐李尚書馬都督皆還朝
兵部程尚書信來如李坐後添設泰寧侯陳經協同
與程尚書分左右正坐泰寧左泰寧漕運定西侯蔣
琬代如泰寧坐程尚書去吏部崔尚書如程坐崔尚
書去左都御史王恕來尋陞兵部尚書如崔坐定西
侯還朝新寧伯譚祐代如定西侯王尚書巡撫兵部

薛尚書遠來如王坐新寧還朝太子太保豐城侯李
勇代如新寧坐薛尚書歸陳尚書俊坐如薛已後守
備叅贊坐大約相同惟增內守備大監據首席而協
同者爲侯伯則上坐都督則側坐耳

考察之法

成化中用吏部尚書李裕言外官考察自貪酷老疾
罷軟之外復設才力不及對品改調別省嘉靖間用
吏部言才力不及外官調用俱降一級

御史言劉瑾奸黨

正德庚午劉瑾伏誅給事御史言奸黨二十八人大

學士曹元吏部尚書張綵戶部尚書劉璣兵部右侍郎陳震南京禮部尚書朱恩都御史魏訥楊武劉聰徐以貞翰林院修撰康海侍讀焦黃中編修劉仁大理寺少卿董恬太常寺少卿劉介去任司務孫聰都給事中李憲捕盜御史薛鳳鳴員外改御史朱袞河南僉事白思誠叅議王欽掌真定府叅政楊儀順慶知府莊禪徽州知府楊孟瑛吏部郎中王九思王納誨得旨綵已逮問曹元劉聰恬海禪訥武鳳鳴孫聰儀思誠思英欽介孟瑛黃中仁等俱爲民徐以貞王九思王納誨降二級俱調外任璣已致仕已

御史復交奏

致仕大學士焦芳劉宇去任侍郎韓福見任兵部尚書王敞通政吳鈇南京工部尚書李善都御史屈直刑部右侍郎張子麟南京太僕寺卿王彥奇工部右侍郎胡諒丁憂都御史馬炳然南京戶部尚書張灤南京禮部右侍郎常麟都御史秦昂趙扣左布政潘楷按察使張禎仲本順天府丞石祿檢討段昊主事侯自明員外郎徐聰寺丞紀世梁御史宇文鍾副使問潔郎中高選得旨王敞鈇炳然子麟灤麟等仍留用李善屈直彥奇諒俱致仕秦昂扣聰世梁俱閒

住潘楷禎鍾皆爲民石祿仲本降三級間潔高選降
二級侯自明段昺對品調外任

有兼掌文武二印者

正統中尚書楊善以興濟伯掌左軍都督府兼禮部
事成化中湖廣左布政使陶魯兼廣東按察副使正
德中江西右布政使吳廷舉兼按察副使嘉靖中山
西右叅政王輪兼按察僉事

太常翰林告改教授

錢唐王羽以太常少卿告改本府教授永樂乙未進
士第二人李貞第三人陳景著俱以翰林修撰告改

貞得高州景著得福州俱教授

外任改翰林京秩

永樂庚寅許州知州潘文奎以事當降爲有文學改
左春坊司直郎乙未按察僉事言蘄州同知桂宗儒
柔儒當黜以任淺問刑都察院三載擢翰林院修撰
宣德丙午吏部言四川按察使陳璉不諳憲法改通
政使掌南京國子監

翰林書散階于職下

文臣署官俱書散階於職銜之上惟翰林書於下或
云始自文皇時不然也觀遼金史知元時亦然矣

上幸妖妓

景帝時召妖妓李惜兒入宮

武宗時狎晉陽妓劉

氏號劉娘娘

櫛工皂隸至二三品

以櫛工至太常卿者洪尚觀也以皂隸至布政使者

蔡春王興宗也

一部二尚書管事

宣德初吏部蹇義郭璉戶部夏原吉郭資又郭敦正

統吏部王直何文淵又王翱禮部胡濙楊寧兵部于

謙儀銘工部江淵石璞嘉靖兵部張瓚樊繼祖工部

林庭棊甘爲霖

元遺諸臣

傳曰楚雖有才晉實用之夫興國之取亡國
之遺也勝棋之着敗碁之棄也元不能識拔
劉誠意輩困之下僚以遺我 太祖雖欲不
亡烏可得耶諸君子棄夷就夏滌垢向新或
至叅謀猷議政事縮史筆盛哉首陽之風遠
矣彼受勝國顯爵祿如危素輩又其下者武
弁則奚誅焉吾不錄錄文臣

元翰林學士承旨危素改弘文館學士治書侍御史

秦從龍未任翰林侍講學士張以寧王時刑部侍郎
程儒漢學士承旨詹同俱仍原職羅復仁爲弘文館
學士總管府判劉基見前李善爲燕府紀善戶部尚
書張景改中書叅政山東行省左丞安然樞密同知
朱守仁改工部尚書樞密同僉李質改刑部尚書禮
部員外郎曾堅改本部侍郎主事蕭肅改工部侍郎
翰林編修宋濂改承旨答祿與權改侍講國子助教
王僎改待制儒學提舉劉三吾改學士

壬午諸臣

壬午之變方孝孺鉞鉉諸君子烈哉然論者

多以死事許齊黃而以不死罪楊解非也建
文皇帝從子也非疆敵世讎者比喪君
有君伊何殉之齊泰黃子澄其所密勿獻替
之臣爲侵削計者也降亦死不降亦死死等
耳楊解二君子秩甚微僅一審理待詔易處
也委曲以全其宗引避以全其志不亦快然
幾中道哉乃大用得亡過矣今錄其著者

兵部尚書茹瑺戶部尚書王鈿吏部右侍郎蹇義戶
部右侍郎夏原吉工部右侍郎黃福工部尚書嚴震
直戶部尚書古朴工部尚書鄭賜戶部尚書郁新兵

部左侍郎劉儁工部左侍郎張思恭禮部左侍郎王
達翰林學士董倫翰林學士王景侍讀學士陳洽吏
部郎中胡廣翰林修撰楊榮中書舍人黃淮待詔解
縉審錄楊士奇已謫而後用者工部右侍郎張顯宗
大理寺卿薛崑

用印之異

皇后東宮各王府俱用金寶東南諸國俱用鍍金銀
印其朝鮮日本淳泥國王哈密忠順王瓦刺西番王
俱金印宗人府五府六部都察院各都司布政司衍
聖公張真人用銀印應順天府三品亦銀印文淵閣

五品亦銀印印特小用玉筋篆掛印總兵用銀印柳
葉篆永樂間灌頂國師烏思藏闡化王用玉印螭紐
金匣龍袱

賜夷狄姓名

太宗時夷狄來歸者爲賜姓名然不冒以國姓如忠
勇王也先土于曰金忠安順侯脫火赤曰薛貴清平
侯買驢曰吳成都督把都帖木兒曰吳允誠倫都兒
灰曰柴秉誠都指揮僉事把住曰楊效誠朶兒只曰
馬惟良鐵住曰柴克恭行都指揮同知滿東兒灰曰
柴志誠都指揮僉事阿兒刺台曰楊汝誠指揮使伯

帖木兒曰柴志敬指揮同知猛歌曰安汝敬僉事脫脫曰楊必敬只蘭曰吳克誠朶列子曰吳存敬火失答曰韓以謙祖住不花曰柴永謙

安南僞官見張輔所上表

僞大虞國上皇黎季犁季犁子僞大虞國主黎蒼推誠守正翊贊弘化功臣雲屯鎮兼歸化等鎮諸軍節度大使洮江管內觀察處置等使持節雲屯歸化嘉興等鎮諸軍軍領東路天長等路大都督府特進開府儀同三司入內檢校左相國平章軍國事上柱國賜紫金魚袋衛國大王黎澄僞太原鎮兼天開鎮節

度大使驃騎上將梁國王黎新安鎮節度大使驃
騎上將軍新興郡王黎孫太子黎芮僞郡嗣王黎瀟
郡亞王黎泥幼孫五郎弟臨安鎮兼大安海鎮驃騎
將軍特進開府儀同三司入內右相國平章事賜紫
金魚袋上柱國唐林郡王黎季胤從子望江鎮輔國
大將軍入內判中都督河陽郡亞公黎原咎領龍興
路都統府平陸縣上侯黎子綽從孫御輦局正常卿
侯黎叔爌清亭侯黎伯駿石塘卿侯黎廷燁永祿卿
侯黎廷爌將僞入內僉聞朝政兼內侍省都知知左
班事諒山鎮僉行軍行諒江路同知總管府事賜紫

金魚袋柱國東山卿侯胡杜入內行遣同知尚書左
司事樞密院副使阮光正奉大夫入內行遣門下左
諫議大夫同中書公事兼三江路太守新安鎮討置
使國子學祭酒賜紫金魚袋護軍黎景琦寧衛大將
軍知威衛營左登翊軍賜金團符縣伯段輦神勁營
高伯陳湯鈞鈴衛中郎將領龍捷軍兼領壯勇營范
六材嘉靖中莫登庸篡弒上將征之其國人鄭惟僚
供稱僞丞相臨國公武護督山西地方守明光興化
等處北軍都督申國公督京北地方守諒山等處南
軍都督鎮國公阮伯驪東軍都督麟國公杜世卿分

督山南地方守本國世孫攻出等處總太監廣國公
院立撰督北河府守太原等處中軍大都督端國公
楊金鑣總太監太國公阮世恩兵師海國公視朝不
拜范嘉謨禮部尚書良國公阮時雍

朝鮮使臣

嘉靖辛亥秋習儀朝天宮見朝鮮使臣任虎臣問其
年四十五爲刑曹僉判猶中國刑部侍郎也秩從二
品中辛卯進士授翰林應奉擢世子說書累遷觀察
使京兆尹以至今官因言其國三歲一開科取子午
卯酉初場試經義論二場表誥三場賦策壬午狀元

姜崇德 故 乙酉沈光彥為吏曹僉判戊子鄭希顏 故

辛卯金忠烈為知府甲午金希聖 故 丁酉尹鉉庚子

金允鼎癸卯盧守慎丙午沈守慶為吏禮各部郎中

己酉閔時中為吏部主事其左右議政一品六曹判

書正二品左右僉判從二品觀察使凡八道

[Faint bleed-through text from the reverse side of the page, including characters like '金', '忠', '烈', '為', '知', '府']

紀錄彙編卷之一百五十五

鳳洲雜編二

王世貞

臣切念 祖宗積德之厚 父皇創業之艱立法垂
訓以傳萬世錫子孫保全之福爲 宗室久安之計
宣德元年八月江西布政司移文謂 太祖高皇帝
子孫以祿米定品級臣不勝惶懼伏惟 祖訓所載
祿米蓋親親次序無有品級誠以子孫皆 祖宗一

氣之分不與異姓同至今四代乃定品級臣恐萬世之下謂自今日始也昔 父皇在位時靖江府將軍比正支減一等亦無比品凡朝賀祭廟皆與諸王同班惟駙馬儀賓有比品駙馬比從一品而冠服與侯同班列侯下郡君儀賓比從四品常服亦用麒麟玉帶班列都督之前蓋亦以至親不以品級論也又

父皇嘗謂靖江世子兄弟做將軍但異姓相見還行君臣禮其衣服且着穿素二十年後諸孫有冠者袍用四爪龍冠用唐帽蓋不欲與外人同也今定品級則列於外官之下 聖子神孫皆 祖宗遺體臣不

避斧鉞之誅于冑 天聰伏望赦免誠宗廟之福骨肉之幸也

宣宗復寧王書

承喻以祿米定品級非舊制忿切之情溢於言表再三披閱駭愕良深蓋事有非然理應明白所言太祖高皇帝子孫舊無品級之說今考祖訓錄內凡郡王之子授鎮國將軍三品孫輔國將軍四品曾孫奉國將軍五品玄孫鎮國中尉六品五世孫輔國中尉七品六世孫以下世授奉國中尉八品是郡王子孫未嘗無品級也又云靖江王府將軍比正支遞減

一等亦無比品凡朝賀祭廟皆與諸王同班必若此
 言則諸王兄弟子姪同為行列是無尊卑之分曷為
 而可又云 太祖高皇帝於郡君儀賓比從四品常
 服用麒麟玉帶班列都督前蓋以親親不論品級今
 考 祖訓錄 皇明祖訓及禮制皆無明文可稽今
 之所云未審載於何典禮也又云 高皇帝嘗謂靖
 江世子兄弟做將軍衣服且着穿素而郡君儀賓既
 比從四品則令用麒麟玉帶如此即是抑族屬而重
 外親踈戚倒置於禮可乎又云 高皇帝謂靖江世
 子兄弟做將軍但是異姓相見還行君臣禮今考

祖訓錄 皇明祖訓及禮制並無明文可徵但有洪

武二十九年十二月欽定靖江王庶子鎮國將軍與

郡王相見禮儀云鎮國將軍凡與駙馬儀賓公侯相

見將軍居左駙馬等居右皆再拜與文武一品官至

三品官相見將軍居中各官拜將軍答拜與四品以

下官相見各官拜將軍坐受凡遇將軍於道駙馬儀

賓公侯讓左並行文武一品至三品引馬側立四品

以下者下馬凡傳其言曰鎮國將軍裔旨稱呼之曰

官人此有明著而別無行君臣禮之說若必如所云

行君臣之禮是教子孫越禮犯分不知有君矣且羣

臣於靖江府將軍前皆行君臣之禮是天下紛紛多
君也春秋之法天無二日土無二王家無二主聖人
之道尊尊親親各有攸當故知此語決非 太祖高
皇帝所言今郡王庶子以下品級則載於 祖訓錄
靖江府將軍與羣下相見之禮則載於洪武二十九
年欽定禮儀此皆 太祖高皇帝所制以垂範子孫
臣民所慮者甚遠所定者甚精皆非一朝一夕之所
成也至洪武三十五年八月 太宗皇帝臨御之初
卽令禮部申明舊制行此數事 太宗皇帝當時見
祖訓錄內鎮國將軍等品級與歲祿不相應遂加

鎮國將軍從一品輔國將軍從二品奉國將軍從三
品鎮國中尉從四品輔國中尉從五品奉國中尉從
六品今行之二十有八年矣予自嗣位以來恭體

祖宗之心恭循祖宗之法非敢毫末有所增損况

於諸叔祖諸叔及諸兄弟上念祖宗之重親親之

意未嘗敢薄亦未嘗輒有拂逆之事往者逆賊高煦

在太宗文皇帝時屢造大罪及予嗣位加厚待之

而包藏禍心終謀不軌然求朝廷之過未得輒妄稱

太祖高皇帝時未嘗頒給羣臣誥勅以爲擅改舊

制具本指斥遂舉兵反及被執至京出洪武中諸司

職掌示之逆與俛首無言愧悔不及今叔祖輒有不
避斧鉞乞爲赦免之說宗廟神靈鑒臨在上何寬
何抑而忿恨不平予覽畢以示公侯伯五府六部文
武大臣咸謂叔祖意非在此蓋托此爲名耳不然何
以宣德元年八月之事而至今始發也予已悉拒羣
臣之言不聽尚望謹之或復不謹非獨羣臣有言不
已天下之言皆將不已是時予雖欲全親親之義有
未易能今故畢陳本末惟叔祖虛心聽察庶幾君臣
之分定尊卑之序明而所議品級又何繫於輕重何
乖於禮法哉若以謂族屬之長必誣執爲朝廷之過

天理人心不可罔也惟叔祖亮之

燕王與曹國公李景隆戰書

覽書知無恙甚喜但書詞何其虛誕矯飾而矜高誇
大也夫言貴以誠事貴論理誠斯無徃不孚理斯無
徃不服予 太祖高皇帝之子汝 太祖高皇帝之
甥至親也吾所爲是非曲直上有 天地有 宗廟
神明昭鑒之下有羣臣有一國軍民共見之而至親
乃不見不知可乎大抵今日之事爲權姦之勢所脅
雖天子尚在其掌握凡是非邪正瞭然明白者皆移
易變置以眩惑之自天子以下惟其言之聽生殺予

奪惟其所欲惡予素不能諂事權姦故今日必欲見
害雖天子不能不從之爾亦不免爲所驅迫而來也
然爾爲所驅迫者屈於其勢而已之力不足也若汝
之心彼固不能迫而昏之也今反覆來書是汝心亦
爲所昏乎何其虛誕矯飾而無誠矜高誇大而無理
欺權姦所指予罪凡八其六事皆予遵承 祖訓而
行於 皇考之世者何圖今日反以爲罪乎其一謂
第二子高煦擅笞驛吏固是過矣而遂指爲其父之
不軌其亦可以服人乎其一謂予招納異人術士此
尤是茫無聲影凌虛駕誕之說天地鬼神其可欺乎

以此而輒加之極惡大罪勢壓威迫將戕其一家權
姦所爲毒切如此故自救之計不容已也爾今言欲
息兵固上合天心下合人心矣然當明兵禍實始於
誰明其所始而一言以弭之孰不忻願而凡事有本
有末爲之必自其本庶幾可成今權姦肇兵禍之本
也誠欲弭兵必自去權姦始權姦去則朝廷清明朝
廷清明則上下之情通上下之情通則兵不待言而
自弭矣汝不思此而但盛稱謀臣之精勇士之衆甲
馬之富疆傲自矜大以爲泰山壓鷄子之勢此固權
姦所恃以肇禍者而汝亦同之汝亦愚矣哉夫區區

北平一隅之衆不足以當天下之力三尺童子知其然也然師行有以忠爲勇以義爲壯以仁而勝者亦有恃衆而覆好驕而敗者初不係人之衆寡力之强弱也况今天下謀臣勇將素受皇考之恩而於今嫉權姦之跋扈憫宗室之無辜者所在有之故臨戰之際倒戈來歸已數萬人雖却之不納而遣之不去助謀効力翕然同心吾何足以得此哉蓋忠義之心人人所同則汝所矜然以自矜大者又可終恃乎此蓋因汝誇詐聊爲言之然不足深辯但當推誠以明今日之事理夫吾所欲去者惟姦臣齊秦黃子澄數

輩耳去之而使紀綱政令一出於天子朝廷清肅

宗社奠安悉復 皇考之舊卽歸守藩屏永祇臣職

非敢萌分毫踰分之望此吾之誠心也如固匿權姦
不去禍本而惟欲散吾之衆豈獨吾心所不能從將
士忠義之憤其肯從乎懇懇之心惟在於此前嘗兩
奏書於朝敷訴中悃悉不賜答此必姦臣慮非已利
邀蔽匿不以上聞今備錄往爾觀之如汝不惑於
權姦之所迫而能篤念我 皇考之大德 宗社之
大計以及予至親之誼則以密聞於朝達予之誠於
上聽上處之若爾惟知有姦臣不復他念卽無益之

書繼今宜絕遂以兵刃見加予亦不得而辭避矣其
亮之

書復 太上皇帝

弟御名再拜復書 大兄皇帝陛下邇因 大兄以
保 宗廟 社稷之故率師巡邊不幸被留邊庭自
聖母皇太后以及弟與羣臣不勝痛恨我 皇太
后復念 宗社臣民無主已立 大兄皇庶長子爲
皇太子布告天下以繫人心以待 大兄駕回柁何
日久 宗廟缺祀 國家無主我 皇太后及宗親
諸王皆統率人馬赴京衛護 宗社同念太子年幼

不能親理 國事臣 民無望命弟卽皇帝位以慰
輿情在京公侯駙馬伯及文武羣臣萬姓亦合辭請
早定大計又使臣回亦傳大兄之命令弟主典 宗
廟之祭弟不得已受命主宰天下尊 大兄爲太上
皇帝弟身雖已如此心實痛恨不已仰望 大兄早
旋誠弟千萬幸也近得賜書捧讀再三且喜且痛若
太師也先果欲送 兄回是能上順 天道下順人
心真大丈夫所爲豈不名揚千古 大兄到京之日
君位之事誠如所言另再籌畫兄弟之間無有不可
何分彼此但恐降尊就卑有違 天道望 大兄與

也先太師言之送 兄回國不必多遣人馬恐各王
軍馬在京衆大勢有相犯不能自已非弟所能保無
恙也只宜用五七騎送來卽可以全和好伏望 大
兄深念 祖宗 社稷生靈爲重善爲之辭 天地
鬼神必加保佑臨楮惓惓不勝痛恨伏惟 大兄亮
之正統十四年九月二十日

書與太師也先

皇帝書復 太師也先 使臣來得 太師致書欲
遣使送 大兄太上皇帝回京足見 太師上順
天道之心比先朝廷與 太師處皆因下人之言彼

此都動軍馬我朝廷爲奸邪所誤以致一時生靈受害太師又念兩家自祖宗來和好之情救護人民足見下順人心之意大抵古今之人能順天道合人心者無不長遠享福此是一定不易之理先因朕兄不知存否國家無主宗室諸王統率天下軍馬皆來保護宗社我聖母皇太后及王公侯伯并臣民皆言自古生靈不可一日無主朕當嗣位主宰天下又得指揮嶽謙梁貴回京口傳大兄皇帝聖旨命朕嗣位以典宗廟之祀朕不得已勉遵大命敬順天道人心奏告天地宗廟社稷詔告天

下卽皇帝位尊大兄爲太上皇帝尊居朕上太師
果能送兄回京朕有大事必當稟命而行若大
兄仍居皇帝位則爲降尊就卑是罔天矣罔天
之事朕豈敢爲太師必同此心朕謂太師送兄回
京以全和好真大丈夫所爲古今少有豈不使好聲
名播揚千古但今各處軍馬皆來聚集京師保護
宗社布列遠近太師宜少遣數十人送朕兄回京
庶幾衆軍之心不疑不至相犯尤見太師保全和好
之盛心也徃事彼此俱勿留意頒去禮物至可收領
惟太師亮之

書與岷王等

皇帝書奉 曾叔祖岷王茲者虜寇乘機入關肆爲
劫掠侵犯京城危急之秋尚賴 曾叔祖宗室至親
念以王宗社爲重命將統率精兵不拘多寡星馳赴
京勤王以除虜寇以安國家期在旬月畢集會合懸
望懸望仍自鎮靜固守藩疆專此奉達惟 曾叔祖
亮之正統十四年十月十五日

叔祖周王

叔祖魯王

叔祖蜀王

叔祖肅王

叔祖遼王

叔祖慶王

叔祖潘王

叔祖唐王

叔祖伊王

叔祖趙王

叔祖鄭王

叔祖襄王

叔祖荆王

叔秦王

叔楚王

叔代王

叔韓王

叔寧王

叔晉王

叔淮王

紀錄彙編卷之一百五十六

鳳洲雜編三

太子王世貞

文臣謚

太祖時文臣無謚如劉基王禕皆後代加者

太宗時亦少 仁廟追錄舊功臣遂有金

襄榮等數十人弘正以還益濫矣爰據碑誌

故牒所記得十之五六俟後續焉

文貞

太師楊士奇

文正

太師李東陽太傅謝遷

文忠

太傅曹鼐太師張孚敬

文成

太師劉基

文靖

太子賓客王璠少保金幼孜尚書魏驥太師徐溥

太師劉健太保賈詠

文莊

宋編卷之一百五十六

吏部侍郎葉盛太傅丘濬太子少保王鴻儒太子
少保謝一夔太子少保邵寶太子太保羅欽順太
子少保歐陽德

文敏

太師楊榮太子少保鄒濟少保姚夔太子太保李
廷相太子太保張璧吏部侍郎徐縉禮部尚書崔
銑太子太保霍韜

文定

太師楊溥太子太保吳寬太子太保張邦奇禮部
尚書王瓚

文憲

學士承旨宋濂太師彭時太師費宏

文清

禮部尚書薛瑄

文毅

侍郎李時勉初謚太傅商輅少保倪岳尚書黃孔昭

文恪

祭酒宋訥太保耿裕太傅王鏊祭酒魯鐸南京禮

部尚書楊廉

文肅

祭酒宋訥太保耿裕太傅王鏊祭酒魯鐸南京禮部尚書楊廉

禮部侍郎陳敬宗太常卿岳正禮部尚書謝鐸太
子少傅何喬新太保劉忠太子太保王與禮部尚
書羅玘

文端

太子太保王直太子太保周經太子太保吳一鵬

文介

禮部侍郎劉儼

文懿

禮部侍郎呂原禮部尚書楊守陳太子少保章懋
禮部尚書儲瓘

文安

禮部尚書王英太子少師鄭賜太子太保周謨禮

部尚書劉定之太子太保李傑太子太保林瀚

文恭

左侍郎劉鉉

文襄

工部尚書周忱太傅曹鼐初謚太傅席書太傅桂萼

太保方獻夫太保楊一清少保唐龍

文義

太保高穀

文裕

太子太保白鉞温仁和禮部侍郎陸深

文簡

少傅馬京太子太保儀智太保黃淮少保毛澄太

子太保劉春太保毛紀禮部侍郎穆孔暉

文達

李賢

文通

太子少保錢溥太子太保王一寧少保費家

文穆

文 少師胡廣太師劉吉太子太保傅瀚太子太保傅

珪

文和

太保劉珣少保尹直

文節

學士王禕

初謚

文淵

文 少詹事徐善述

文昭

文 太子少保江瀾

文康

尚書苗衷太師萬安太師梁儲太保顧鼎臣太傅

李時

文僖

學士張益太子少保倪謙太子少保董越太傅靳

貴太子太傅張昇

文隱

太保石瑄太子太保張治

忠文

學士王禘侍郎李時勉

忠定

太師蹇義尚書朱復太傅韓文

忠靖

太師夏原吉

忠肅

太保王翱

忠宣

太保王福太保劉大夏

忠敬

興濟侯楊善

忠毅

靖遠侯王驥光祿少卿鄧顥

忠襄

湯陰伯郭資太師儀銘

忠節

刑部尚書吳雲禮部尚書許達知州何忠

忠烈

禮部尚書孫燧

忠愍

太子少保鄺埜翰林學士劉球

忠安

太子太保胡濙

忠簡

太子少保王佐

恭定

戶部尚書年富

恭靖

少師姚廣孝太醫院使蔣用文少保李敏

恭敏

刑部左侍郎廖莊少傅白圭太保李燧

恭毅

禮部尚書章綸太子少保王槃

恭襄

少保馬昂少保王瓊禮部左侍郎孫賢太保張

瓚

恭肅

太子太保周用

恭簡

太保尹旻太子少保戴珊太子太保李鉞工部尚

書歐陽鐸禮部右侍郎魏校

恭惠

副都御史范鏞

恭愍

大理寺丞鍾同光祿寺卿陳選

恭順

兵部尚書盧淵

恭僖

大學士張景明尚書韓邦問

貞襄

太子少保徐琦

端肅

晉尚書王

太師馬文升

保楊馬少保崔恭少保許誥

端毅

新刺文太子少尉宋景尚書黃

太師王恕

會諫太子少保劉天和

端敏

高文舉少尉王

少保胡世寧太保秦金

襄毅

太子太保秦

右都御史韓雍太子太保項忠太子少保程信少

保秦紘太子太保許進

襄敏

兵部尚書丁鉉少保李秉太傅王鉞少保王璟太
子太保潘鑑戶部左侍郎唐澤

襄惠

太保屠瀟太子太保秦民悅

襄簡

太子少保高友璣少保王軾

莊靖

少保陳文太子少保宋景尚書趙璜

莊毅

兵部尚書王竑

莊敏

少保林聰少保楊鼎少保崔恭少保許誥

莊襄

太子太保俞諫太子少保劉天和

莊簡

太子少保鄒文盛尚書熊繡太子太保李浩

莊懿

太子少保周瑄太子太保張瑩

毅愍

右都御史馬炳然

蕭敏

太保俞子俊

蕭愨

太傅子謙

敏肅

工部尚書陳壽

簡肅

太子少保張敷華刑部尚書熊繡尚書胡詔

清惠

太子少保耿九疇

靖簡

太子太保孫需調工部尚書文夏永

節愍

少保陳洽少傅劉儁按察使周憲

惠安

太子少保彭韶

康懿

少保陳俊少保林庭楫

康靖

太子太保鄒幹

康惠

工部尚書周季鳳太保楊志學少保李承勳

康敏

太保白昂太子太保趙鑑

康僖

太保屠勳太子少保陸瑜太子少保王承裕刑部

尚書周倫南京吏部尚書黃珣太僕卿邵銳

康簡

太子少保楊守隨工部尚書方良永

安簡

南京禮部尚書王宗彞

懿簡

太子太保張鵬

榮襄

莊平伯吳中少師金忠沐陽伯金濂少保袁宗臯

榮毅

少保墨麟

榮簡

太子太保盛端明

榮愿

榮刑部尚書朱濬

榮和

榮太保汪鋐

榮靖文康

榮少師邵元節

武臣謚猶不詳今志十之一二
武寧

中山王徐達

武靖

岐陽王李文忠王宗彙

武順

寧河王鄧愈

武烈

東平王朱能

武毅

夏國公顧成漳國公王聰宣平王朱永

武莊

越國公胡大海泗國公耿再成巢國公華高太保

梁震

武襄

安遠侯蔡遷穎國公楊洪撫寧侯朱謙寧平王朱

永初謚

武信

芮國公楊璟

武桓

梁國公趙德勝

武義

蘄國公康茂才

武肅

滎陽伯潘毅湯陰侯高顯

武勇

裕國公蔣貴

武閔

鄖國公廖永安

武愍

平陰王朱勇

武僖

黔國公沐英

忠武

開平王常遇春河間王張玉國公薛祿廣寧侯劉

江定襄侯郭登

忠烈

虢國公俞通海定興王張輔國公徐忠

忠節

崇安侯譚淵

忠靖

武進侯朱榮

忠壯

安國公曹良臣金鄉侯王真涼國公吳瑾莒國公

李遠清源伯冀傑

忠敬

定遠王沐晟

忠襄

樂浪公濮真靖國公陳珪

忠毅

漳國公鄭亨霍山侯王真威遠伯方政潞國公張

武安陽伯曹隆萊陽伯周長

忠勇

富春侯孫世成武伯陳伍滕國公孟善

忠愍

忠燕山侯孫興祖蘄國公康鐸

忠僖春封孫世叔左帥丑親國公孟善

忠文安侯張輓

忠敏文開山曹制未開山周身

榆次伯張廉 山封王真淑教帥古如嚮國公聚

壯勇

宣城侯衛穎國公吳管者渠國公吳澄伏羗侯毛

忠邵陽伯馬聚

壯毅 王衣冠臣金鄉侯王真涼國公吳瑾官國公

忠廬江侯趙馘

黃休

勇襄公李淋

裕國公張軌

襄武

東甌王湯和沐昂英山侯於顯

襄毅

海國公吳禎懷遠伯山雲

襄烈

江國公吳良

襄靖

滕國公顧時

襄簡國公王志

許國公王志

襄敏國公王

淇國公陳亨

襄恪國公王

鎮遠侯顧溥

景成國公王

昌樂侯丘廣

剛毅國公王

國公李彬

剛勇

新泰伯張彬

敏毅

涼國公蔣琬

孝勇

東海侯陳文

崇武

合浦侯陳清

懷僖

都督郤永

莊肅

昌國公張巒

莊敏

黔國公陳豫

莊簡

恩國公張赫成國公朱儀

莊襄

皖國公仇成

恭和

國公周壽

恭襄

平江侯陳瑄

惠襄

平西侯沐春

桓襄

永國公薛顯

桓毅

臨沂侯王簡

威襄

營國公郭英威寧侯仇鈇

威毅國公陳英海寧封公

黔國公吳復彰武侯楊信

榮襄王

郊國公孫繼宗

宣武國公

陝國公郭子興

宣襄西封水春

杞國公陳德

僖順

忠勇侯蔣信溧陽伯紀廣

謚及三代

開平王遇春曾祖四三謚莊簡祖重五謚安穆父六
二謚靖懿國朝謚及三代者惟有此耳

父子得謚

儀智儀銘鄒濟鄒幹王文王宗彛周瑄周經耿九疇
耿裕白圭白鉞王恕王承裕許進許誥林翰林庭楫
賜夷王謚

永樂六年七月賜朝鮮國王李旦謚康獻撫民安樂
曰康行善可紀曰獻八月淳泥國王麻惹謚恭順日
本國王源道義謚悼僖中年夭逝曰悼小心畏忌曰

僖十五年九月賜蘇祿國東王謚恭定敬事共上曰
恭純行不爽曰定十九年四月賜古麻刺國王謚康
靖撫民安樂曰康柔德教衆曰靖

顯英王謚宗

顯英曰主曰維王感王承欲指鮮指苗林鎮林鎮林
對皆對證張張張張王王文王宗曼周童周登周火
言英父于野謚

二謚敬靈國傳謚又三升香卦亦九耳

開平王顯春曾賦四二謚張簡脈重五謚安縣父六

謚父三升張陽伯記黃